

585 quo pacto Danaae misisse aiunt quondam in gremium
imbrem aureum.

egomet quoque id spectare coepi, et quia consimilem luserat
iam olim ille ludum, inpendio magis animu' gaudebat mihi,
deūm sese in hominem convortisse atque in alienas tegulas 40
venisse clanculum per inpluvium fucum factum mulieri.

590 at quem deum! "qui templa caeli summa sonitu concutit."
ego homuncio hoc non facerem? ego illud vero ita feci—ac
lubens.

dum haec mecum reputo, accersitur lavatum interea virgo:
iit lavit rediit; deinde eam in lecto illae conlocarunt. 45

stō exspectans siquid mi imperent. venit una, "heus tu"
inquit "Dore,

595 cape hoc flabellum, ventulum huic sic facito, dum lavamur;
ubi nos laverimu', si voles, lavato." accipio tristis.

AN. tum equidem istuc os tuom inprudens videre nimium
vellem,

quī ēsset status, flabell(ul)um tenere te asinum tantum. 50

CH. vix elocutast hoc, foras simul omnes proruont se,
600 abeunt lavatum, perstrepunt, ita ut fit domini ubi absunt.

interea somnu' virginem opprimūt. ego limis specto
sic per flabellum clanculum; simul alia circumspecto,
satin explorata sint. video esse. pessulum ostio obdo. 55

AN. quid tum? *CH.* quid "quid tum," fatue? *AN.* fateor.

CH. an ego occasionem

605 mi ostentam, tantam, tam brevem, tam optatam, tam in-
speratam